



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Concilivm Parisiense Pro Expeditione Contra Tvrcas suscipienda
celebratum anno Domini MCLXXXVI. tempore Urbani papae III.

urn:nbn:de:hbz:466:1-15974

CONCILIVM PARIENSE
PRO EXPEDITIONE CONTRA TVRCAS
fufcipienda celebratum anno Domini MCLXXXVI.
tempore Urbani papæ III.

ANNO
CHRISTI
1186.

NOTA.

*Concilium.] De rebus in hac Synodo gestis ita Robertus Gagui-
nus lib. 6. Inter has regis occupationes venere ab Hierosolymis ad Pbi-
lippum Heraclius patriarcha Hierosolymitanus, & domus hospitalis
prior, nuntii calamitatis quam Saladinus Aegyptius Christianis per
Palestinam intulisset; locis aliquot non sine nostrorum cade occupatis.
Cui incommodo nisi catholici principes succurrant, res Hierosolymitanas
in hostium potestatem breui relapsuras. His querelis rex motus, Parisium
regni pontifices aduocat. Quibus conuenientibus, edocet quis sit in Sy-
ria Christianismi status. Oportere quemque eorum per sua territoria po-
pulum admonere, vt misera Christianorum conditioni suppetias ferant:
se quidem paratissimum esse qui in primis auxilietur, si presentium re-
rum conditio admittat: sed nihilo segnus missurum se ad id negotium
viros strenuos cum valida militum manu. Oratione regis a presentibus
laudata, paruo post tempore rex ex suis destinat, qui afflictis rebus opi-
tulentur. Hæc ille.*

VITA ET EPISTOLÆ
GREGORII PAPÆ VIII.

ANNO
CHRISTI
1187.

Gregorii
VIII. ele-
ctio quan-
do contige-
rit.

GREGORIVS VIII. patria Beneuentanus, cui nomen fuerat Albertus, cardinalis presbyter tituli sancti Laurentii in Lucina, altero die post obitum Urbani communi omnium consensu electus est anno Domini 1187. tempore Friderici imperatoris. Initio pontificatus Christianos principes legationibus literisque pro subsidio terræ sanctæ & de agenda pœnitentia ad diuersos scriptis sollicitauit, vt exercitu terra marique comparato ad recuperandam Hierosolymam sese colligerent. Vt vero facilius id quod suadebat consequeretur, Pisas se contulit, vt eius loci populos cum Genuensibus fœderis noui vinculo religaret, ac sic coniunctis copiis, quibus plurimum mari valebant, ad hanc expeditionem sanctissimam animarentur. Verum inopinatus vitæ illius exitus sanctæ expeditioni & voluntati Pisis finem imposuit. Obiit enim